



Pou Piblikasyon Imedya: 19/03/2023

GOUVÈNÈ KATHY HOCHUL

## GOUVÈNÈ HOCHUL PIBLIYE PWOKLAMASYON KI DEKLARE 18-19, 25-26 MAS KÒM WIKENN ERAB NAN ETA NEW YORK

*Yo ankouraje Nouyòkè yo pou sipòte pwodiktè lokal yo lè yo patisipe nan wiken erab yo, 18-19 ak 25-26 mas*

*Pwodiksyon siwo erab New York la te atenn yon nivo rekò 845,000 galon an 2022; li klase dezyèm nan nasyon an*

*Li pwoklamasyon an isit la*

*Gade foto vizit Gouvènè Hochul la nan Maple Shack & Pancake House Moore la pandan wiken Erab Eta New York la isit la*

Gouvènè Kathy Hochul te pibliye jodi a yon [pwoklamasyon](#) ki deklare 18-19 ak 25-26 mas kòm Wikenn Erab nan Eta New York. Gouvènè a te mete aksan tou ke pwodiktè erab New York yo te fè eksperyans yon ane rekò an 2022, yo te pwodwi 845,000 galon siwo erab, epi Eta a kontinye klase dezyèm nan nasyon an nan pwodiksyon erab. Gouvènè Hochul te patisipe nan Wikenn Erab Eta New York la lè li te vizite Maple Shack & Pancake House Moore la nan Freedom, NY.

"Pwodiksyon siwo erab se yon tradisyon Eta New York ki remonte nan plis pase kat syèk, epi endistri erab ki kiltive nan peyi a se yon pati enpòtan nan endistri agwo-touristik la ak nan ekonomi nou an", **Gouvènè Hochul te deklare.** "Mwen fyè pou m selebre 28èm anivèsè "Wikenn Erab yo", ki rekonèt moun k ap travay di pou pote yon varyete pwodwi erab ki toujou ap grandi soti nan pye bwa rive sou tab - pou kenbe endistri erab la antanke yon pati ki chè nan eritaj ak ekonomi eta nou an."

Anplis klasman li pou pwodiksyon erab, New York se lakay pi gwo resous pyebwa erab ki kapab fè antay nan Etazini ak plis pase 2,000 fabrikan sik erab. An 2022, endistri erab New York te itilize 2.9 milyon antay, sa ki te egale rekò 2021 pou pi gwo kantite antay yo te itilize nan yon sèl ane. Depatman Agrikilti ak Mache (Department of Agriculture and Markets, AGM) Eta New York la sipòte endistri erab la atravè Bidjè Eta New York la—ki gen ladann finansman pou pwogram pwomosyon ak edikasyon—epi tou atravè envestisman nan pwojè rechèch, tankou Arnot Teaching Forest nan

Pwogram Erab Inivèsite Cornell la, ak atravè pwogram maketin Kiltive epi Sètifye Eta NY (NYS Grown & Certified) ak pwogram Goute NY (Taste NY) li yo.

### **Wikenn Erab yo**

Pandan tout mwa mas la chak ane, epi, an patikilye, pandan wikenn 18-19 ak 25-26 mas yo, fèm erab atravè eta a ouvri pòt yo bay publik la pou bay yon chans pou yo goute bon jan kalite siwo erab, ki soti dirèkteman nan sous la, epi fè eksperyans tradisyon familyal inik nan fè siwo erab nan Eta New York. Pwodiktè, ki gen ladan anpil nan moun ki Kiltive & Sètifye NYS, ofri vizit ak dejene krèp, vann pwodwi siwo erab, epi demonstre pwosesis kijan yo fè siwo a, ki gen ladan sistèm tradisyonèl kote yo pandye bokit nan pye bwa yo oswa metòd pwodiksyon pi modèn kote yo utilize aspiratè yo pou yo ogmante randman sèv nan chak pye bwa. Wikenn Erab yo an 2023 pral dewoule nan prèske 150 fèm pwodiktè erab, sa ki pral ranfòse touris agrikòl atravè Eta New York. Yon lis ou ka fè rechèch sou evènman Wikenn Erab yo disponib nan [mapleweekend.nysmaple.com](http://mapleweekend.nysmaple.com).

Plis pase 40 pwodiktè erab patisipe nan Pwogram Kiltive & Sètifye nan Eta New York la ki verifye pwodiktè agrikòl ak kiltivatè New York yo ki respekte estanda sekirite pwodwi alimantè ak dirabilite anviwonmantal yo. Jwenn yon lis pwodiktè erab aktyèl ki fè pati pwogram Kiltive & Sètifye NYS la nan [certified.ny.gov/wheretobuy](http://certified.ny.gov/wheretobuy).

### **Pwomosyon Erab**

Taste NY Markets New York la atravè eta a ap mete aksan sou pwodwi ak pwodiktè erab lokal inik yo pandan mwa mas la. Plizyè mache ap ofri espesyal, tankou 10% rabè sou tout atik erab nan Sant Dakèy Finger Lakes la, echantyon pwodwi espesyal nan Sant Dakèy Rejyon Kapital la ak Sant Dakèy Rejyon Lwès New York la, ak plis ankò. Jwenn yon lis mache toupre ou nan [taste.ny.gov](http://taste.ny.gov). Nouyòkè yo ka achte erab Eta New York tou nan konfò lakay yo sou [ShopTasteNY.com](http://ShopTasteNY.com), ki pral ofri espesyal ak livrezon gratis sou pwodwi erab yo pandan tout mwa a. Amplis de sa, Taste NY Markets pral selebre 'Erab an Foli' pandan wikenn 25-26 mas la. Rete branche sou rezo sosyal yo pou plis enfòmasyon sou pwomosyon echantyon espesyal yo ak kado wikenn sa a.

###